

儀禮疏卷第九

唐朝散大夫行大學博士弘文館學士臣賈公彥等撰

賓降洗

將酢主人

疏

賓降洗。注將酢主人。釋曰自此已下至西階上答拜論賓酢主人之事云

將酢主人者案爾雅云酢報也前得主人之獻今將酌以報之故降洗而致絜敬故云將酢主人也

主人降

亦從賓也降降

疏

主人降。注降立至西面。釋曰知面立降階東西面

故知此當於阼

賓坐奠爵興辭

西階前也

疏

賓坐奠爵興辭。注西階

前也。釋曰鄭知西階前者鄉射云賓西

階前東面坐奠爵興辭降此亦然故也

主人對賓坐

取爵適洗南北面主人阼階東南面辭洗賓

坐奠爵于篚興對主人復阼階東西面賓東

北面盥坐取爵卒洗揖讓如初升主人拜洗

賓荅拜興降盥如主人禮賓實爵主人之席
前東南面酢主人主人阼階上拜賓少退主
人進受爵復位賓西階上拜送爵薦脯醢主

人升席自北方設折俎祭如賓禮

祭者祭薦俎及酒亦嘑啐

䟽

主人至賓禮。注祭者至嘑啐。釋曰此賓坐取爵適

鄉射禮盥訖將洗主人乃辭洗先後不同者彼與鄉人習禮輕故盥訖乃辭洗此鄉人將賓舉之故未盥先辭洗重之故也若然鄉射禮內兼有鄉大夫即尊與州長同於盥後辭洗者以其盥後辭洗是禮之常故也但鄉射賓坐取爵適洗坐奠爵于篚下主人辭洗之時賓乃奠爵于篚下此不奠爵篚下便言奠爵于篚者鄉射云賓坐取爵洗之時未得主人之命故得奠於篚下得主人之命乃奠于篚此則賓取爵適洗未奠之時主人即辭故尊于篚也云揖讓如初外者謂前主人卒洗一揖一讓升也云降盥如主人禮者謂如主人降盥禮則此賓降主人亦降賓辭降主人對一與主人降辭已下

同也云祭如賓禮者如上賓祭時坐左執爵右祭脯醢奠爵于薦西興右手取肺卻左手執本坐弗繚右絕末以祭尚左手啐之興加于俎坐挽手遂祭酒興席末坐啐酒故云祭如賓禮云祭者祭薦俎及酒者薦謂脯醢俎即離肺也云亦啐者直云祭如賓禮嫌祭不啐故鄭明之云亦啐肺啐酒是以下文云不告旨明亦啐也

也物自席前通阼階上北面坐卒爵興坐奠爵

遂拜執爵興賓西階上荅拜

自席前者啐酒席末因從北方降由便也

疏

自席至荅拜。注自席至便也。釋曰案曲禮云席東鄉西鄉以南方為上南鄉北鄉以西方為上凡升席必

由下降由上今主人當降自南方以啐酒於席末遂因從席北頭降又從北向南北面拜是由便也若降由上之正亦是便故下云主人作相降席自南方不由北方亦由便也

主人坐奠爵于序端阼

階上北面再拜崇酒賓西階上荅拜

東西牆謂之序崇充

也言酒惡相充實

疏

主人坐奠爵于序端。注東西至充實。釋曰奠爵于序端者擬後酬賓訖取此爵以獻

介也云東西牆謂之序者爾雅釋宮文但彼云東西廂廂即牆故變言之也

主人坐取觶于

篚降洗賓降主人辭降賓不辭洗立當西序

東面

不辭洗者以其將自飲

疏

主人至東面。釋曰自此至復位論主人酬賓之事。注不辭至自

飲。釋曰酬酒先飲乃酬賓故云將自飲若然既自飲而盥洗者禮法宜絜故也若然經云賓降主人辭應奠爵不言者理在可知故

卒洗揖讓升賓西階上疑立主人

實觶酬賓阼階上北面坐奠觶遂拜執觶興

賓西階上荅拜

酬勸酒也酬之言周忠信為周

疏

卒洗至荅拜。注酬勸至為周。釋

曰云賓西階上疑立者待主人自飲故也云酬之言周忠信為周者此解主人將酬賓先自飲之意以其酬賓若不自先飲主人不忠信恐賓不飲示忠信之道故

先自飲乃飲賓為酬也忠信為周國語文

坐祭遂飲卒

觶興坐奠觶遂拜執觶興賓西階上荅拜主

人降洗賓降辭如獻禮升不拜洗

不拜洗殺於獻

疏

坐祭至拜洗。注不拜洗殺於獻。釋曰云坐祭遂飲者因坐祭即飲飲卒解因事曰遂故曰遂云辭如獻禮者主人辭賓降主人爲已洗爵此與獻賓時同故云辭如獻禮禮殺升堂不拜洗與獻時異故別言之使不蒙如也禮殺於獻者獻時拜洗禮初不殺故也 賓西階上立主人實解賓之席前

北面賓西階上拜主人少退卒拜進坐奠解

于薦西

賓已拜主人奠其解

疏

賓西至薦西。注賓已至其解。釋曰賓已拜主人奠其解者非久

停下文賓取之奠于薦東是也

賓辭坐取解復位主人降階上

拜送賓北面坐奠解于薦東復位

酬酒不舉君子不盡人之

歡不竭人之

疏

賓辭至復位。注酬酒至交也。釋曰賓辭不解所辭之事案鄉射二人舉解于賓

與大夫進坐奠于薦右賓與大夫辭坐受解以興注云辭解其坐奠解以彼云賓與大夫辭即云坐受解以興若自手受

之以舉觶是禮已故賓與大夫可以當亢荅之禮得云辭其親與此禮初賓謙卑不辭其奠故經不云坐受以興然此辭是主人復親酌已故鄉射主人酬賓云賓辭鄭注云辭主人復親酌已也是也云酬酒不舉君子不盡人之歡不竭人之忠以全交也者並曲禮文案彼歡謂飲食忠謂衣服引之并謂飲食者鄭於彼歡與忠相對解之故歡為飲食忠為衣服通而言之總為飲食於義合也云全交者所有飲食與已已盡之恐人嫌貪而交絕故不盡為全交酬酒不飲亦是全交故引為證也此以奠於薦東為酬酒不舉案燕禮二人勝爵于公奠于薦南彼皆舉為旅酬而在左者鄭彼注云奠于薦南不敢必君舉也案特牲主人酬賓奠于薦北彼舉旅而在左者鄭彼云行神惠故不與此同也

主人揖降

賓降立于階西當序東面

主人將與介為禮賓謙不敢居堂上

疏

主人至東西。注主人至堂上。釋曰白此下至主人介右荅拜論主人獻介之事

主人以介揖

讓外拜如賓禮主人坐取爵于東序端降洗

介降主人辭降介辭洗如賓禮外不拜洗

介禮

殺也。**疏**主人至拜洗。注介禮殺也。釋曰案上主人迎賓之時介與衆賓從入又主人與賓三揖至於階之時

介與衆賓亦隨至西階下東面今此文云揖讓升如賓禮則唯於升堂時相讓無庭中三揖之事矣升堂而云拜者謂拜至亦如賓矣云介禮殺也者謂不拜洗是以鄉飲酒義云三讓以賓升拜至獻酬辭讓之節繁及介省矣是也。**介**

西階上立不言疑者省文。**疏**注不言疑者省文。釋曰此決上獻酬辭賓時賓於西階上疑

立此亦當獻酒節而不言疑者省文也。主人實爵介之席前西南面

獻介介西階上北面拜主人少退介進北面

受爵復位主人介右北面拜送爵介少退。主

拜于介右降尊以就。早也。今文無北面。**疏**主人至少退。注主人至北面。釋曰云主人介之席前西南面獻

介者以介席東面故邪向之若獻賓時於賓席前北面向之也主人拜于介右降尊以就早也者以主人獻賓時主人自在阼階今於獻介主人來在西階介右是介卑故降主人之尊就西階介之東北面拜也至旅酬皆同階者禮殺故也。

主人立于西階東薦脯醢介升席自北方設

折俎祭如賓禮不嘑肺不啐酒不告旨自南

方降席北面坐卒爵興坐奠爵遂拜執爵興

主人介右答拜

不嘑啐下賓

疏

主人至答拜。注不嘑啐下賓。釋曰云主人立于

西階東者始獻介之時近西在介右今於設薦之時主人無事稍近東案上獻賓薦設之時主人云疑立此不言者文畧也云主人介右答拜者還近西於前立處答拜也

介降洗主人復阼階降

辭如初

如賓酢之時

疏

介降至如初。注如賓酢之時。釋曰自此至介降立于賓南論介酢主

人之事云主人復阼階降辭如初者如賓酢主人之時介辭主人從已降主人辭介為已洗一皆如之也

卒洗

主人盥

盥者當為介酌

疏

卒洗主人盥。注盥者當為介酌。釋曰此主人自飲而盥者尊介也是

以鄉射云大夫將酢主人卒洗主人盥注云盥者雖將酌自飲尊大夫不敢褻是其類也

介揖讓升

授主人爵于兩楹之間

就尊南授之介不自酌下賓酒者賓主共之

疏

介揖至之間。釋曰揖讓升者謂一揖一讓升也。云授主人爵于兩楹之間以爵授主人也。注就尊至共之。釋曰知兩楹間是尊南者以上云尊於房戶間房戶間當兩楹之北故云就尊南授之也。云介不自酌下賓者以其賓觀酌以酢主人此不自酌故云下賓也。云酒者賓主共之者此鄉解酒賓主共之故賓自酌以酢主人介卑故不敢酌是以鄉飲酒義云尊於房戶之陽賓主共之是也。

介西階上立主人實爵酢于西

階上介右坐奠爵遂拜執爵興介荅拜主人

坐祭遂飲卒爵興坐奠爵遂拜執爵興介荅

拜主人坐奠爵于西楹南介右再拜崇酒介

荅拜

奠爵西楹南以當獻衆賓

疏

介西至荅拜。釋曰此主人既受爵介無事故於西階上立不言疑

立可知也亦省文。注奠爵至衆賓。釋曰知此奠爵爲衆賓者案下文云主人揖升坐取爵于西楹下是也鄉射無介

故獻衆賓時於東序端
取爵獻訖奠爵于篚也

主人復阼階揖降介降立

于賓南

疏

主人至賓南。釋曰向來主人與介行禮於西階上事訖故復阼階揖讓降介降立于賓

南者以將獻衆賓故
介無事就賓南也

主人西南面三拜衆賓衆賓

皆荅壹拜

三拜壹拜示徧不備禮也不升拜賤也

疏

主人至壹拜。注三拜至賤也。釋

曰自此已下至奠于篚論獻衆賓之事云西南面者以其主人在阼階下衆賓在賓介之南故西南向拜之云三拜壹拜示徧不備禮也者衆賓各得主人一拜主人亦徧得一拜是不備禮故鄉射云三拜衆賓衆賓皆荅壹拜彼注云三拜示徧也壹拜不備禮也大夫禮皆然故少牢云主人三拜養者養者皆荅拜鄭云三拜旅之示徧也又有司徹云主人降南面拜衆賓于門東三拜衆賓門東北面皆荅壹拜大夫尊故也士則荅再拜故特牲云主人三拜衆賓衆賓荅再拜鄭云衆賓再拜者士賤旅之得備禮是也云不升拜賤也者此決上主人與賓介行禮皆升堂拜至此三拜賓賤故不升拜至也

主人揖升坐取爵于西楹下降洗升實爵

于西階上獻衆賓衆賓之長升拜受者三人

長其老者言三人則衆賓多矣

疏

主人至三人。注長其至多矣。釋曰云主人揖升者從三人爲首一一揖之

而升也云降洗升實爵者以下不更言洗則以下因此不復洗矣云西階上獻衆賓者下別言衆賓之長三人則衆賓之

中兼言堂下衆賓故鄭云衆賓多矣自三人已下於下便以次歷言之矣云拜受者三人則堂下衆賓不拜受矣

主

人拜送

於衆賓右

疏

主人拜送。注於衆賓右。釋曰知在衆賓右拜送者約上文介右而知也

坐祭立飲不拜既爵授主人爵降復位

既卒也卒爵不

拜立飲立授

疏

坐祭至復位。注既卒至禮簡。釋曰云卒爵不拜立飲立授爵賤者禮簡者賓賢

能以賢者爲賓其次爲介不問長幼其三賓德劣于賓介則數年之長幼故上衆賓之長也賓介則坐祭坐飲又拜既爵

此三賓則坐祭與賓介同不拜既爵立飲立授則異賤故禮簡也

衆賓獻則不拜受

爵坐祭立飲

次三人以下也不拜禮彌簡

疏

衆賓至立飲。注次三至彌簡。釋曰此

據堂下衆賓不拜受簡於三人故云禮彌簡也

每人獻則薦諸其席

謂三人也

䟽

每一至其席。注謂三人也。釋曰上已云獻此以下別言薦云每一人還發三人而言云每一人獻則薦諸

其席則一一得獻即薦之以其言席又下別言衆賓則此三是三人故鄭云三人也

衆賓辯有脯

醢

亦每獻薦於其位。在下今文辯皆作徧

䟽

衆賓辯有脯醢。注亦每至作徧。釋曰云亦每獻薦於

其位者如上三人一一薦之知位在下者以其言堂下立侍不合有席既不言席故位在下既不言其數則鄉人有學識者皆來觀禮皆入飲酒之內是以鄉射云旅酬堂上辯卒受者興以旅在下者明衆賓在堂下也

主人以

爵降奠于篚

不復用也

䟽

主人至于篚。釋曰以此合一獻徧不復用故以主人爵降奠

於篚也

揖讓升賓厭介升介厭衆賓升衆賓序

升即席

序次也即就也今文厭皆爲揖

䟽

揖讓至即席。注序次至爲揖。釋曰自此至舉觶者降

論徧獻衆賓訖將以旅酬之事云衆賓序外者謂三賓堂上有席者以年長爲首以次即席也云今文厭皆爲揖不從者

以賓相引以手不得為揖故也

一人洗升舉觶于賓

一人主人之吏發酒端曰

舉

䟽

一人至于賓○注一人至曰舉○釋曰此一人舉觶為旅酬也云發酒端曰舉者從上至下徧飲訖又從

上而起是發酒端曰舉也

實觶西階上坐奠觶遂拜執觶興

賓席末答拜坐祭遂飲卒觶興坐奠觶遂拜

執觶興賓答拜降洗升實觶立于西階上賓

拜

賓拜拜將受觶

䟽

實觶至賓拜○注賓拜拜將受觶○釋曰云賓席末答拜者謂於席西南面非謂席

上近西為末以其無席上拜法也已下賓拜皆然

進坐奠觶于薦西賓辭

坐受以興

舉觶不授下主人也言坐受者明行事相接若親受謙也

䟽

進坐至以興○注舉

觶至謙也○釋曰云舉觶不授下主人也者決上主人獻賓皆親授而奠之今不親授是下主人鄉射注云不授賤不敢也下主人明此亦賤不敢授也云言坐受者明行事相接若親受謙也者若於人手相授受名為受不於人取之不得言

受今於地取之而言受者以主人奠之賓取之而無隔絕雖於地若手受之故云明行事相接若親受之謙也

舉者西階上拜送賓坐奠解于其所所薦也

舉解至其所○注所薦西也○釋曰賓奠於其所者待作樂後立司正賓乃取此解以酬主人以其將舉故且奠之於右

也舉解者降事已射舉解者降○注事已○釋曰案鄉

大夫觀禮之人或設席于堂廉東上為工布席也側

席工於西階上少東樂正先升北面此言

樂正先升立于西階東則工席在階東

階東○釋曰自此下至樂正告于賓乃降論主人樂賓之事

大判摠為作樂其中別有四節之殊有歌有笙有間有合次

第不同也案燕禮席工于西階上即云樂正先升大射亦云

席工于西階上工六人四瑟始云小樂正從之不同者燕禮

主於歡心尚樂故先云樂正先升大射主於射畧於樂故辨

工數乃云樂正從之也若然此主於樂不與燕同而席工下

射畧於樂而不言工數先云樂正而不與大射同者亦是遲

初之事也云爲工布席也者以鄉射燕禮大射皆席工連言此不言席工文不具爾故此爲工布席下云工入外明此席也引燕禮者欲證此席爲工又取此工席在西階東以其此經云堂廉東上不言階東故取燕禮西階上少東樂正又在工西此下云樂正於西階東據樂正於西階東而立工西則知工席更在階東北面可知但此言近堂廉亦在階東彼云階東亦工四人一瑟瑟先相者一人皆左何近堂廉也

瑟後首揜越內弦右手相

四人大夫制也二瑟二人鼓瑟則二人歌也瑟

先者將入序在前也相扶工也衆賓之少者爲之每工一人鄉射禮曰弟子相工如初入天子相工使視瞭者凡工瞽矇也故有扶之者師冕見及階子曰階也及席子曰席也固相師之道後首者變于君也揜持也相瑟者則爲之持瑟其相歌者徒相也越瑟下疏工四至手相○注四人至之者○孔也內弦側擔之者釋曰云四人大夫制也者此鄉大夫飲酒而云四人大射諸侯禮而云六人故知四人者大夫制也燕禮亦諸侯禮而云四人者鄭彼注云工四人者燕禮輕從大夫制也鄉射是諸侯之州長士爲之其中兼有鄉大夫以三物詢衆庶行射禮法故工亦四人大夫制也若然士

當二人天子當八人爲差次也云二瑟二人鼓瑟則二人歌也者既云工四人二人瑟明二人鼓瑟可知也云相扶工也衆賓之少者爲之者見鄉射云樂正適西方命弟子弟子則衆賓之少者也云每工一人者案周禮瞽三百人又此經二人瑟相者二人皆左何瑟又大射僕人正相大師以諸文言之故知每工一人若然此經工四人二人瑟相二人則工二人歌雖不言相亦二人可知以空手無事故不言也云鄉射禮曰弟子相工如初入者彼謂將射樂正命弟子相工遷樂於下降時如初入之次第亦瑟先歌後引之證弟子相工之事天子相亦使眡瞭爲之知者見周禮眡瞭職云凡樂事相瞽是也云凡工瞽瞽也者鄭司農云無目眡謂之瞽有目眡而無見謂之矇有目無眸子謂之矇故詩大雅云矇矇奏工是也引論語者證瞽人無目須扶之義也云師即大師之官無目矇瞽之長也云後首者變於君也者案燕禮云小臣左何瑟面鼓注云燕尚樂可鼓者在射也此鄉飲酒亦尚樂而不面鼓是變於君也案大射主於射矇於樂鄉射亦應主於射矇於樂所以面鼓亦是變於君也云掣持也者瑟底有孔越以指深入謂之掣也云其相歌者徒相也者徒空也無可荷空以右手相以經不言故也云內弦側

樂正先升立